

BOSNA I HERCEGOVINA
FEDERACIJA BOSNE I HERCEGOVINE
OPĆINA LUKAVAC
OPĆINSKI NAČELNIK
SLUŽBA ZA PRIVREDU, LOKALNI RAZVOJ
I INSPEKCIJSKE POSLOVE
Broj: 08-04-4161/21
Lukavac, 11.11.2021. godine

Na osnovu člana 64. stav (1). tačka a), člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14) i Preporuke Komisije za provođenje postupka javne nabavke broj: 08-04-4161/21 od 09.11.2021. godine u otvorenom postupku javne nabavke radova na uređenju i zaštiti poljoprivrednog zemljišta na području K.O. Milino selo i K.O. Brijesnica Donja, Pomoćnik općinskog načelnika za Službu za privredu, lokalni razvoj i inspeksijske poslove d o n o s i

ODLUKU o izboru najpovoljnijeg ponuđača

Član 1.

Prihvata se preporuka Komisije za provođenje postupka javne nabavke broj: 08-04-4161/21 od 09.11.2021. godine i Ugovor za nabavku radova na uređenju i zaštiti poljoprivrednog zemljišta na području K.O. Milino selo i K.O. Brijesnica Donja, dodjeljuje ponuđaču „DEN ALM COMPANY“ d.o.o Lukavac, koji je dostavio ponudu broj: P-27-10-347/2021 od 27.10.2021.godine, za ponuđenu cijenu nakon održane e-aukcije u vrijednosti od 165.226,27 KM kao najpovoljnijem ponuđaču.

Član 2.

Ova odluka objavit će se na internet stranici ugovornog organa (www.lukavac.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 08-02-3877/21 od 29.09.2021. godine. Javna nabavka sprovedena je u otvorenom postupku. Procjenjena vrijednost javne nabavke bez PDV-a je 198.600,00 KM.

Obavještenje o nabavci broj: 719-1-3-111-3-153/21 objavljeno je na Portalu javnih nabavki dana 13.10.2021. godine.

Komisija za provođenje postupka nabavke imenovana Rješenjem o imenovanju Komisije za provođenje postupka javne nabavke broj: 02-04-75-77/21 od 14.10.2021. godine, dostavila je Pomoćniku općinskog načelnika za Službu za privredu, lokalni razvoj i inspeksijske poslove Zapisnik o pregledu i ocjeni ponuda broj: 08-04-4161/21 od 09.11.2021. godine, Preporuku o izboru najpovoljnijeg ponuđača broj: 08-04-4161/21 od 09.11.2021. godine i Izvještaj o radu broj: 08-04-4161/21 od 09.11.2021. godine.

U postupku po Izvještaju o radu Komisije utvrđeno je da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljeno 5 (pet) ponuda;
- da nije bilo neblagovremeno primljenih ponuda;
- da su ponude ponuđača: „BETON – KOP“ d.o.o Odžak, ROADING d.o.o Gračanica, PAPIILON d.o.o Koraj-Čelić, DEN ALM COMPANY d.o.o Lukavac i grupa ponuđača „Grimig“ d.o.o Doboj Istok i Džena d.o.o. Gradačac kvalifikovane i prihvatljive, naime dostavljeni su svi traženi dokazi propisani tenderskom dokumentacijom, na propisan način.

U postupku donošenja ove Odluke, posebno su cijanjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu dokumentaciju utvrđeno je da procijenjena vrijednost nabavke bez uključenog PDV-a iznosi 198.600,00 KM i da je kriterij za dodjelu ugovora najniža cijena.

Nakon održane e-aukcije utvrđeno je da je ponuđač „DEN ALM COMPANY“ d.o.o. Lukavac ponudio najnižu cijenu u vrijednosti od 165.226,27 KM bez uračunatog PDV-a.

Zbog naprijed navedenog odlučeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se podnosi putem ugovornog organa, u pisanoj formi direktno ili preporučenom poštanskom pošiljkom na adresu: Općina Lukavac, Služba za privredu, lokalni razvoj i inspeksijske poslove, Trg Slobode 1, 75300 Lukavac, a izjavljuje se Uredu za razmatranje žalbi u Mostaru. Žalba se podnosi u najmanje 3 (tri) primjerka.



PO OVLAŠTENJU OPĆINSKOG NAČELNIKA
POMOĆNIK OPĆINSKOG NAČELNIKA
(ovlaštenje broj:02-30-6251/20 od 21.12.2020.godine)
Esad Suljić,dipl.pravnik

Dostaviti:

1. DEN ALM COMPANY D.O.O Lukavac
2. BETON-KOP d.o.o Odžak
3. PAPIILON d.o.o Koraj- Čelić
4. ROADING d.o.o Gračanica
5. Grupa ponuđača: „Grimig“ d.o.o Klokotnica i „Džena“ d.o.o Gradačac
6. Arhivi